



Broj: 16-12-16-7059-~~X~~ /24
I. Sarajevo, 25.10. 2024. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH“, br. 39/14, 59/22 i 50/24), na preporuku Komisije za nabavke za potrebe Državne agencije za istrage i zaštitu u 2024. godini broj 16-12-16-7059/24 od 22.10.2024. godine, u postupku javne nabavke usluga obezbjeđenja avio karata za potrebe Državne agencije za istrage i zaštitu, direktor Državne agencije za istrage i zaštitu, d o n o s i

O D L U K U

o izboru najpovoljnijeg ponuđača u postupku javne nabavke usluga obezbjeđenja avio karata za potrebe Državne agencije za istrage i zaštitu

Član 1.

U postupku javne nabavke usluga obezbjeđenja avio karata za potrebe Državne agencije za istrage i zaštitu (daljem tekstu: Agencija), putem Konkurentskog zahtjeva za dostavljanje ponuda, na preporuku Komisije za nabavke za potrebe Državne agencije za istrage i zaštitu u 2024. godini, broj 16-12-16-7059/24 od 22.10.2024. godine, okvirni sporazum, na period od tri godine, dodijeljuje se ponuđaču „Centrotrans“ d.d. Sarajevo, ponuda broj 16-12-16-7059-5/24 od 11.10.2024. godine, za ponuđenu jediničnu cijenu usluge TSC (naknade za izdavanje avio karte) u iznosu od 49,80 bez uračunatog PDV-a.

Član 2.

Ova odluka se dostavlja ponuđačim u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na web stranici Agencije.

Član 3.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 4.

Ova odluka stupa na snagu danom donošenja.

O b r a z l o ž e n j e

Odlukom direktora Državne agencije za istrage i zaštitu (u daljem tekstu: Agencij) broj 16-12-16-7059-1/24 od 25.09.2024. godine, pokrenut je postupak javne nabavke usluga obezbjeđenja avio karata za potrebe Državne agencije za istrage i zaštitu, procijenjene vrijednosti 49.900,00 KM bez uračunatog PDV-a, za koje je obavještenje o javnoj nabavci broj 1161-7-2-254-3-74/24 objavljeno na Portalu javnih nabavki 02.10.2024. godine i u

„Službenom glasniku BiH“, broj 69/24 od 11.10.2024. godine. Novčana sredstva za realizaciju navedene nabavke obezbijedena su u okviru budžetskih sredstava za 2024. godinu, na osnovu Zakona o budžetu institucija Bosne i Hercegovine i međunarodnih obaveza Bosne i Hercegovine za 2024. godine („Službeni glasnik BiH“, broj 50/24) i Dokumenta okvirnog budžeta 2025. - 2027. godina. Za navedeni postupak javne nabavke predviđeno je provođenje e-aukcije u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 80/23) (u daljem tekstu: Pravilnik).

Obzirom da je tačkom 6. Konkurentskog zahtjeva navedeno da je rok za dostavljanje ponuda 14.10.2024. godine u 13:00 sati, te da se ponude dostavljaju u zatvorenoj kovrti na pisarnicu Agencije, do navedenog roka dostavljene su tri blagovremene ponude, dok neblagovremenih ponuda nije bilo. Komisija je dana 14.10.2024. godine u 14:00 sati pristupila javnom otvaranju pristiglih ponuda po datumu i vremenu prijema.

Redni broj	Naziv ponuđača	Cijena usluge TSC (naknade za izdavanje avio karte) bez PDV-a
1.	„Ventura Travel Agency“ d.o.o. Travnik	50,00 KM
2.	„Centrotrans“ d.d. Sarajevo	50,00 KM
3.	„Mrkulić-Company“ d.o.o. Sarajevo-Ilidža	51,28 KM

Komisija je nakon otvaranja ponude u smislu člana 63. st. (5) i (6) Zakona o javnim nabavkama („Službeni glasnik BiH“, br. 39/14, 59/22 i 50/24) (u daljem tekstu: Zakon), sačinila Zapisnik o otvaranju ponude i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponudu, u cilju ocijenjivanja ponuđača, te njegove kvalifikovanosti shodno uslovima navedenim u Konkurentskom zahtjevu.

Komisija je utvrdila da ponuđači „Centrotrans“ d.d. Sarajevo i Mrkulić-Company“ d.o.o. Sarajevo-Ilidža, ispunjavanju kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti, tehničke i profesionalne sposobnosti i formalno-pravne uslove postavljene u Konkurentskom zahtjevu.

Uvidom u ponudu ponuđača „Ventura Travel Agency“ d.o.o. Travnik, Komisija je utvrdila da isti ispunjava kvalifikacione uslove u pogledu lične sposobnosti, sposobnosti obavljanja profesionalne djelatnosti, kao i tehničke i profesionalne sposobnosti, dok u pogledu ekonomske i finansijske sposobnosti isti ne ispunjava uslove definisane tačkom 3.1.3. Konkurentskog zahtjeva-Ekonomska i finansijska sposobnost iz člana 47. ZJN. Naime, navedenom tačkom propisano je da ponuđač kao dokaz ekonomske i finansijske sposobnosti iz tačke 3.1.3. Konkurentskog zahtjeva, dostavlja Potvrdu-Izvještaj o računima pravne osobe iz Jedinog registra transakcijskih računa u Bosni i Hercegovini, izdatu od strane Centralne banke Bosne i Hercegovine (daljem tekstu: CB BiH) ili potvrdu uzdatu od strane poslovne, komercijalne banke certificirane za izdavanje takve potvrde-Izvještaja isključivo na obrascu CB BiH ili ekvivalentan dokument ako se radi o ponuđaču iz inostranstva. Dostavljeni dokument treba da sadrži informacije kojima se potvrđuje da računi ponuđača nisu blokirani. Navedeni dokaz iz tačke 3.1.3. Konkurentskog zahtjeva dostavlja se kao obična kopija originala zajedno sa Izjavom o ispunjenosti uslova iz člana 47. ZJN, koju potpisuje i ovjerava ponuđač svojim pečatom, s tim da datum izdavanja originala koji se dostavlja ne može biti stariji od tri mjeseca računajući od dana dostavljanja ponude.

Ponuđač „Ventura Travel Agency“ d.o.o. Travnik u svojoj ponudi kao dokaz o ispunjavanju uslova iz navedene tačke Konkurentskog zahtjeva dostavio je PS P1. Izvještaj o računu poslovnog subjekta-Glavni račun (u daljem tekstu: Izvještaj CB BiH) izdat od strane

CB BiH, 27.05.2024. godine u 15:57 h, koji je ovjeren od strane notara Adnana Kurića sa sjedištem u Travnik, broj OPU-OV: 2199/24 od 28.05.2024. godine. Iz dostavljenog Izvještaja CB BiH vide se podaci o vlasniku računa, podaci o računu i podaci o banci kod koje je račun otvoren, te isti ne sadrži informacije kojima se potvrđuje da računi ponuđača nisu blokirani. Također, utvrđeno je da je dostavljeni Izvještaj CB BiH, stariji od tri mjeseca računajući od dana dostavljanja ponude (11.10.2024. godine). Daljim uvidom u ponudu navedenog ponuđača, utvrđeno je da Obrazac za cijenu ponude, potpisan od strane ovlaštene osobe, a da isti nije ovjeren pečatom ponuđača. Uzimajući u obzir gore navedeno Komisija ponudu ponuđača „Ventura Travel Agency“ d.o.o. Travnik, nije uzela u dalje razmatranje.

Obzirom da je Konkurentskim zahtjevom za postupak javne sluga obezbjeđenja avio karata za potrebe Agencije predviđeno provođenje e-aukcije u skladu sa odredbama Pravilnika, da su za zaprimljene dvije prihvatljive ponude, Komisija je zakazala e-aukciju za dan 21.10.2024. godine sa početkom u 11:00 sati u trajanju od 20 minuta.

Prema Izvještaju o toku i završetku e-aukcije od 21.10.2024. godine, Komisija je sačinila konačnu rang listu ponuđača koji su učestvovali u postupku e-aukcije, kako slijedi:

R/B	Naziv ponuđača	Cijena usluge TSC (naknade za izdavanje avio karte) bez PDV-a	Rang
1.	„Centrotrans“ d.d. Sarajevo	49,80	1
2.	„Mrkulić-Company“ d.o.o. Sarajevo-Ilidža	49,90	2

Nakon provedenog postupka e-aukcije, shodno Izvještaju o toku i završetku e-aukcije od 21.10.2024. godine, Komisija je utvrdila da je za predmetni postupak javne nabavke bilo snižavanja cijene ponuda kao kriterij za dodjelu ugovora, u skladu sa članom 10. Pravilnika.

U skladu sa navedenim, Komisija je utvrdila da je ponuda ponuđača „Centrotrans“ d.d. Sarajevo, ocijenjena kao najpovoljnija ponuda, te da ista ne premašuje procijenjenu vrijednost javne nabavke iz tačke I Odluke o pokretanju procedure javne nabavke usluga obezbjeđenja avio karata za potrebe Agencije.

Cijeneći naprijed navedeno, prihvaćena je preporuka iz Izvještaja o radu Komisije i odlučeno da se u postupku javne nabavke usluga obezbjeđenja avio karata za potrebe Agencije, okvirni sporazuma na period od tri godine dodijeli ponuđaču „Centrotrans“ d.d. Sarajevo, kako je navedeno u članu 1. ove odluke.


Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama.

DOSTAVLJENO:

- Ponuđačima 3x;
- Sektoru za mat.-fin. poslove;
- a/a.

D I R E K T O R
GLAVNI GENERALNI INSPEKTOR POLICIJE


Darko Ćulum